

CANCELLING

Karihwénhawe: Hao' ki', kak nón:we tisaterihwahserón:ni tánon' ensehserihwaríhsi'.

KANEHSATÀ:KE

Kanáhstatsi: Ahsathón:tate' ken iahsatewennáta' ontiatétien'ts?

Tewateronhiákhwa: Nahò:ten íhsehre akerihwanón:tonhse'?

Kanáhstatsi: Wakerihwahserón:ni tho iá:ke' tánon' ó:ia nahò:ten sakaterihwahserón:ni'. Enwá:ton' tóka' ahshró:ri' só:tsi iah tekonhnhí:io tho iá:ke'.

Tewateronhiákhwa: Satétsen'ts!

Thotharátye: í:se tehserihwa'será:ko

Warisó:se: Shé:kon. Haró:? Aró: ? Á:ke tho ken niiá:wen's? Ónhka'k ken tho ítien's?

Tewateronhiákhwa: Hen khe'kèn:'a wa'onkerihwanón:tonhse' iakoniatewennáta'ahse' akhehró:ri' iah sénha'k thà:'en aiesatken'sè:ra'.

Warisó:se: Oh nontié:ren?

Tewateronhiákhwa: Ooh iah tewakaterièn:tare nahò:ten ionnonhtónnion.

Warisó:se: Kwah í:ken tsi iakononhwáktani. Shehró:ri tóka'-

Tewateronhiákhwa: Iah tewè:ne aiakononhwáktaníhake'. Kwah nek tsi ierihwanòn:we.

Warisó:se: Ooh. Wà:kehre' ta' senha iakononhwáktani kwah ki ó:nek ne tsi iakoheien'taiéntákhwa ié:ien.

Tewateronhiákhwa: Ó:nen ne sénha aióhteron'ne'.

Warisó:se: Tóka' ni enhshehró:ri enwá:ton' ki' ó:ia ientsóhrhen'ne' enkhé:ken'.

Tewateronhiákhwa: Háó' ki'.

Kanáhstatsi: Hátskwi nahò:ten wa'kèn:ron' thí: watétsen'ts?

Tewateronhiákhwa: Wa'kèn:ron' ó:ia ientsóhrhen'ne' iáhse.

Kanáhstatsi: ah tóka' ki' ne' nón:wa iah kaneka thiá:ke. Khére' kati ken' tóka'

enkatken'sè:ra'. Nek tsi..

Tewateronhiákhwa: Iah ki ó:nen ni thiaonsakatewennáta'.

Kanáhstatsi: Ohna'kénkha ne ken ískes wakhsinanòn:waks wakhró:ri sok wa'kèn:ron' ne ki onékwa enwá:ton' éhnsatste'. Wa'kì:ron' iah ne tè:kehre ne thí:ken kwah tokèn:'en tsi eniakononhwákten' akó:wen akonónhkwa í:wehre aontón:kon' wa'kì:ron' iáh. Ah wa'kèn:ron' tho ki' niohtónhak.

Tewateronhiákhwa: Sahkarà:ren.

Kanáhstatsi: Hen wa'kèn:ron' sahsinanòn:wak ki'. Tiorihwaié:ri ken ki ?

Tewateronhiákhwa: Kwah í:ken.

Warisó:se: Ne ki' ní:, kí:ken, í:kehre ní:, iah nón:wa watétsen'ts téhsken. Í:kehre akenikaratón:hahse' ní: nakwatétsen's nahò:ten wa'kèn:ron'. Ión:kwe ni: akwatétsen'ts tiothonwí:sen. Iah teión:kwe té:ken tiothonwí:sen nakwatétsen'ts. Ó:hs tsi wakaniaranón:waks kèn:'en tanon khnenhsà:ke tánon' kwah seronhkè:nek tekatkathónnions tsi niiononhwákte. Ó:nen ki' tho wa'katken'sè:ra' ki watétsen'ts ia'katáweia'te' ki wa'khró:ri' ne ki' nè:'e wa'kì:ron; ken'en wa'kì:ron' niió:re wa'kì:ron' tsi iah teion'wé:sen seronhkè:nek wa'kì:ron tekatkathónnions. Ne ki' kí: í: ò:ni wa'kèn:ron' ne wa'kèn:ron' ne wakeniaranòn:waks.

Kanáhstatsi: Tiakotkáhthon ken watétsen'ts iá:ken.

Warisó:se: Hen.

Kanáhstatsi: óia'k áonha tsononhwáktani.

Warisó:se: Hen, iah ne-

Kanáhstatsi: Oh niwatetsen'tsherò:ten nen'nè:?

Tewateronhiákhwa: Tó:ka ionkhroriánionskwe sha'á:wen.

Warisó:se: Iah ne teió:wen aiononhwákten watétsen'ts.

Kanáhstatsi: Hen, watétsen'ts, ó:nen'k tsi ahonata'karí:tate' ne' ne watétsen'ts.

Tewateronhiákhwa: Rotinonhkwahtsherakà:te.

Kanáhstatsi: Hen! Wahshró:ri' kati ken taontátshnie'ne'?

Warisó:se: Aónha onkhró:ri' wa'kèn:ron' thok ní:kon ioiánere nek nahò:ten'k io'taríhen íhsren kwah ki entà:'on aonha é:ren ésewehte'.

Tewateronhiákhwa: Wahshró:ri' kati ken aónha iowíhsto ne akà:ren ki'.

Warisó:se: Iah ten, tho ki ok tha'á:wen'ne' tontakiá:ken'ne' ki. Tánon' tó:ske ki ionsonteríhshi.

AHKWESÁHSNE

Karòn:iate: Í: ken

Karihwénhawe: Hen í:se entehssanónhton.

Karòn:iate: Ne kati thí:ken wa'onke'serehtahní:non tanon tsi niió:re iahà:kewe tho ne kà:sere wà:kehre entékhawe shontenhní:non ne ne kà:sere wahirihwaríhshi ki tsi tewakkarià:kon ohstón:ha ne kati réhrhahkwe tenthá:kon akhwíhsta tsi ní:kon tewakkarià:kon ne kà:sere iah tha'tethakwá:wi ne kati ne kaianerensherà:ke ia'ákene wa'kì:ron enhsanónhton ne oh néhseré ó:nen tentéhskon kati nón:wa eniesaié:nen.

(5:00)

Karihwénhawe: Hao' ki', kahentén:te thí:ken saterihwahserón:ni wahi kak nón:we ensewaterihсэнhtshera. Iahsatewennáta wi' tanon ehsì:ron iah entà:'onk tho iáhse vacation. ka' na non thí:?

Kahentén:te: Atlantic city.

Karihwénhawe: Hao' ki' onhkha ok iahseiatewennáta'ahse tanon sehró:ri tsi tsisarihwaríhshion.

Kahentén:te: Ring ring.

Karihwénhawe: Shé:kon.

Kahentén:te: Shé:kon, Kahentén:te kí:ken wa'katatshén:naren ne kahonweià:ke akatíta tanon takeniatarí:ia'ke tanon se tonsakwaterihwatenien. Í:kehre aonsakerihwaríhshi.

Karihwénhawe: Oh nonkié:ren?

(6:00)

Kahentén:te: ooh Tonsonkwaterihwaténien wa'ketshà:ni'ke ne tho nikari:we's.

Karihwénhawe: Nene ion'wé:sen tsi sarákwen wenhniserí:io tanon ion'wé:sen tahsatstikáhwa ne kahonweià:ke.

Kahentén:te: Ketshà:nis toka' nón:wa enwakenonhwákten.

Karihwénhawe: ah lah thé: teiótteron rontétien'ts rón:ne's ne kahonweià:ke teniesáhsnie.

Kahentén:te: Ká:ton iah té:kehre eh iá:ke.

Karihwénhawe: ah Thikawenní:io ki ienhskaténiehte akwé:kon ne sahwhíhsta.

Kahentén:te: Hao' kínio niá:wen.

Karihwénhawe: Io

Teiohstón:tere 3

Sha'tekaronhió:ta'ne: Tá: ó:nen kherek tshró:ri ki' nahò:ten ratétsen'ts tsi nahò:ten tsaterihwahserón:ni. Iah tháonton tho naiá:wen'ne ó:nenk tsi ó:ia nahò:ten enkwaterihwahráhkwen. Ne ó:nenk tsi ken' nenkaié:ren. Enhsathón:tate kati ken ó:ia aonsonthiá:ton tewehnisera:ke tewehniserate iaonsaionaktó:ta'ne iaonsontià:thewe enkerihwaié:rite nahò:ten tsonkwaterihwahserón:ni? Toka' watetshén:naien í:se ki nà:'a enhska'én:ion sahiatónhsera katke enionaktó:ta'ne.

Tekahonwèn:sere: Hen watetshén:naien ki ne'e. Wakatshennón:ni ki ne: tsi iohsnó:re wahsekhró:ri ne tsi iah teion'wé:sen ne ohna'kénkha ó:nen káti ken ne ratétsen'ts tho aontahentskó:teke ahohá:reke iah káneken téhse's. Enwá:ton ki ónhkhak akó:ren teniesanaktáhkwen tanon kwah oksak enkatken'se ne kahiatonhsera'shòn:'a enskonhró:ri katke enwá:ton ne taetsatátken ne ratétsen's.